

Gij Genyi Gvendaengz Ceiqdingh Aen Gveihva Haj Bi Daih Cibhaj Gozminz Ginghci Caeuq Sevei Fazcanj Cunghgung Cunghyangh

(ciep banj 6)

(34) Roengzrengz guhhoengh gij saehnieb vwnzva. Cauh’ ok vwnzva swnghdai ndei, daezswng gij naengzlig guh vwnzva cauwnduj, doinyoengx doengh aen lingjyiz baudaengz sinhvwnz okbanj, gvangjbo denyingj densi, vwnzyoz yisuz daengj dajcauh cozbinj maenhndei. Gungganq cauxbaenz aen doih vunzcaiz vwnzva maenhndei gveihmoz hungloet, gapgyaq hablex, laebsim cauholmoq. Gvangqlangh guh gij vwnzva hozdung ginzcong caeuqfaenh, ingbaengh hulenzvangj bae guhhoengh yiengh vwnzyi vunzcongq ngamq ok. Gyalaeq doengh aen meizdij gaemgoek de guh baenzroix bengwz, doicaenh sinhvwnz senhcong caeuq baklinx vangjloz doxcaez guenjieix, gyaak bonjsaeh dazyinx yiengh baklinx gaemgoek. Haeujlaeg bae guh gaiq hong cienzswnj hwngfat gij vwnzva conzdungj maenhndei Cunghvaz, doinyoengx baenz hidungj bae baujhoh caeuq gyroebgyonj gamguenj dukcaz vwnzva yizcanj, gyarengz mizyauq baujhoh caeuq doq yungh doq swnj doengh aen singz mizmingz, dieghaw, aen cin aen mbanj miz lizsij vwnzva haenx. Laeb ndei yungh ndei gij vwnzva gunghyenz guekgya. Cauhlaeb aen dijhi maigaiq gij vwnzmingz Cunghvaz. Dingjmaenh vwnzva ndeileih beksingq, engq ndei engq raenhamq guh yiengh fugsah vwnzva vunzlai caezcaemh. Doicaenh hwnqguh aen biengz hwng doegsaw. Maeuzveh lai guh yiengh diyyuz vunzlai lienhdang caeuq guh yiengh diyyuz doxdax, gyavaiq hwnqguh aen guekak diyyuz.

(35) Gyavaiq hwngfat yiengh canjnieb vwnzva. Laebndei aen dijei guenjieix vwnzva caeuq aen gihei swnghcanj ginghyingz vwnzva. Laebcaez aen dijhi yiengh canjnieb vwnzva caeuq aen dijhi hawciengz, ganq ok aen giyez vwnzva caeuq gij binjbaiz vwnzva maenhndei, saedhengz aen canloz aeu vwnzva canjnieb hanghmoeg hungnaek bae ragdoengh, saedhengz gij cwngcwz hawjrengz guh vwnzva ginghci. Doicaenh vwnzva caeuq gohgi yungzhab, doinyoengx vwnzva gensez bienq soqcih bienq cinwngz, cienjhingz baenz yiengh saenqsik, hwngfat gij vwnzva hangznieb najmoq. Dazyinx gveihfan vangjloz vwnzyoz, vangjloz youzhi, vangjloz yawjdingq daengj byaij ndei byaij cingq, gyarengz gwnzvangj baujhoh bouxcaengzhung. Doicaenh hwnqguh aen guekak lijyouz, lai ok yiengh lijyouz canjbinj gig ndei, engq ndei fugsah lijyouz. Hawj haeuj guek daeuj lijyouz engqgya fuengbienh engqgya riengz hwnj gozci. Doicaenh vwnzva caeuq lijyouz haeujlaeg yungzhab, roengz rengz hung guh vwnzva lijyouz, aeu vwnzva bae coengh ginghci sevei fazcanj.

(36) Lai hawj gij vwnzmingz Cunghvaz cienzboq bae gvangq yingjyangj bae gya. Laebndei aen dijei gihei guh gozci cienzboq, lai yungh gaiqdak moq fuengsik moq cienzboq, roengzrengz hwnqguh dieggoek youqgaenj, gyaak gij naengzlig doengh aen meizdij gaemgoek youq gwnz seiqgyaiq cienzboq, hawj raeuz youq gwnz seiqgyaiq ndaej gangj lai gangj gok, gangj ndei gij gojgaeq Cungguek, mbebaij gij yienghsiengq ndeisaenq, dwggyaez, habgingq Cungguek. Gyarengz bae yenzgiu ranghdieg caeuq guekgya, hawj gij gozci cienzboq raeuz guh ndaej engq ndei. Lai guh vwnzmingz doxgyau doxhag, lailai caeuq guekrog doxbyaij doxgap, gikcoi gij giyez vwnzva caeuq gij vwnzva canjbinj maenhndei engq lai byaij coh seiqgyaiq.

Cib’ it, Haenqrengz Baujcanj Caeuq Gaijndei Gwndaenj Beksingq, Netsaed Doicaenh Daengxcungq Yinzminz Doengzcaez Fouqmiz

Guhbaenz gij siengjmuengh yinzminz gvaq saedceij gyaundeij dwg giz hwnjdin caeuq giz roengzdin guh gij yendaiva yiengh Cungguek. Seizseiz aeu caenh rengz bae guh, aenq rengz bae guh, gyarengz guh gij hongsaeh ndaej ik doh, ndaej dajdae, ndaej baujdae beksingq gwndaenj haenx, gaijgez ndei gij vwndiz yinzminz ginzcong gaenjgip hojnanz youheiq deqmuengh gaijgez de, dwkdoeng diuz miengloh ndawbiengz dox baedauq, hawj ndwenngoengz beksingq yied ngoengz yied ndei.

(37) Coicaenh cukgaeuq youh onjmaenh dwk couhnieb. Haeujlaeg saedhengz aen canloz couhnieb youq gonq, laebcaez aen gihei coicaenh couhnieb, cauhaeb yiengh hwngfat ndeileih couhnieb. Lai guh canjnieb caeuq couhnieb doxgap, lailai gungganq yiengh hong moq gangjvei moq, haeujcoengh giyez onj gangjvei gya gangjvei. Laebndei aen gihei aeu vunz yungh vunz doxdaengh doxhab, laebcaez aen cidu baenzciuh ndaej sonhag dinfwngz guhhong, gyarengz dazyinx baenzlawz genj hangz caeuq yungh vunz, roengzrengz gaijgez yiengh doxdawz dinfwngz mbouj hab canjnieb aeuyungh. Laebndei aen dijhi haeujcoengh couhnieb caeuq fugsah vunzlai, onjdingh caeuq gyadaih gauhyau bizyezswng, nungzminzung, bouxbing duiyiz daengj gyroengqvunz cungdenj neix couhnieb, doinyoengx yiengh gag nda hong, yiengh hong moq cangqheiq hwngfat. Gyarengz haeujcoengh cauhaeb, hawj cauhaeb engq ak daiqhwnj couhnieb. Laebndei aen dijhi lauzdung byauhcnj caeuq aen gihei doxyaeng hezdiuz gij gvanhaeh lauzdung, gyarengz baujcanj gij gienzik

bouxguhong, dajcauh aen vanzging couhnieb goengbingz onjswnh. Laebndei gij yiengh bingzgij yingjyangj couhnieb caeuq gamcaek yawhgingj, gyroebhab wngqdoi gij yienghsaeh vanzging baihrog bienqvaq caeuq gisuz moq yingjyangj couhnieb.

(38) Laebndei aen cidu faenboiq souhaeuj. Dawzmaenh ciuq hong faenboiq guh goek, lai yiengh faenboiq caezmiz, hawj gihminz souhaeuj youq ndaw gozminz souhaeuj faenboiq ciemq faenh engq lai, hawj cienzhong youq ndaw baeznduj faenboiq ciemq faenh engq lai. Laebcaez aen gihei baeznduj faenboiq gak loih yausu youz hawciengz bingzgyaq goenglauz, ciuq goenglauz gietdingh cienzhong, coicaenh boux guh lai ndaej lai, boux maenhraeh ndaej lai, boux cauholmoq ndaej lai. Laebndei aen gihei gietdingh, hablex gyalai, bauj ndaej ceihawj gij cienzhong bouxguhong, doihengz aen cidu cizdij doxyaeng cienzhong, laebcaez hangh gihei diuzcingj aen biucinj cienzhong ceiq daemq, gyarengz hungzgvanh dazyinx giyez faenboiq cienzhong. Lai miengloh hawj gyroengq gihminz hawsingz lajmbanj gyalai gij souhaeuj oklaeng caizcanj. Gyarengz diuzcez gvaehsuiq, gij baujcanj ndawbiengz, gij senjnod ceihawj daengj guh caiq faenboiq. Coicaenh caeuq gveihfan gij saehnieb goeng’ ik swnzsienh hwngfat. Gveihfan aen bouhloh faenboiq souhaeuj caeuq aen gihei cwkrom cienzcaiz, haeujcoengh gaengguh cauholmoq habfap baenzfouq, gikcoi boux fouq gonq daiq boux fouq laeng caezcaemh baenzfouq. Saedhengz aen giva hawj gihminz singz mbanj demsou, caen hawj gyroengqvunz souhaeuj noix de ndaej demgya souhaeuj, onjbouh gyalai gyroengqvunz souhaeuj cungdaengj, hablex diuzcez gij souhaeuj sang gvaqbouh, gimqhaed gij souhaeuj mbouj habfap, doinyoengx guhbaenz ciuq yiengh lwggymj bae faenboiq.

(39) Banh ndei gij gyauyuz hawj yinzminz habhoz. Hengzguh aen gunghcwngz guh ndei son vunz seizdaih moq, coicaenh aen godangz swhsiengj cwngei caeuq aen godangz sevei ndeindei yungzhab, gyarengz son’ gyauq diyyuz, meijyuz, lauzdung, laebndei aen dijhi bingzgyaq gyauyuz. Laebcaez aen gihei boiqceiq swhyenz gyauyuz caeuq vunzgyaeuq bienqvaq doxngamj, gyadaih gung gij swhyenz gyauyuz hawj gij lwghag cingh riuzhaeuj hawsingz de. Onjbouh gyadaih aen gvaengx doegsaw mbouj sou cienz, damqra gyaraez gij nienzhanh yivu gyauyuz. Doinyoengx gihcuq gyauyuz engq maenh engq ndei, doengbuenz maeuzveh youh ndei youh bingzyaenx banh yivu gyauyuz, youh ndei youh ik doh banh yiengh gyauyuz duenh caengz haeuj hag, gyalai gij swhyenz banh bujdungh gauhcungh, banh ndei yiengh gyauyuz daegbied, yiengh gyauyuz cienmonz. Doinyoengx gauhdwnj gyauyuz guh ndei guh lai, gyalai ciu gyroengq hagseng doeg gij bwnjgoh maenhndei. Gyaak gij naengzlig cizyez yozyau banhhag, hwnqguh gij gauhciz yenyau gag miz daegsaek de. Dazyinx gveihfan minzbanh gyauyuz hwngfat. Gyadaih doiq rog hailangh yiengh gyauyuz suijbingz sang. Hwngcienz gij cingsaenz gyauyuzgyah, ganq baenz aen doih lauxsae ak son rox gyauq, engq ndei baujcanj gij dakdaih lauxsae. Laebcaez aen gihei hawj hagdangz gyadingz ndawbiengz dox boiqhab ganq lwghag. Haeujlaeg hengzguh aen canloz yungh soqcih gisuz son hag, gaijndei yiengh fugsah vunzlai caezcaemh coengh baenzciuh hagsib.

(40) Laebcaez aen dijhi ndawbiengz baujcanj. Laebndei caemhcai q doekguh aen cidu daengx guek doengbuenz maeuzveh yiengh baujiemj ciengxlaux dakdae, gyavaiq laebhwnj aen dijhi hawj yiengh baujiemj ciengxlaux miz caengzmbaek lai, miz daemxcengj lai, laebcaez gihei bae doekdingh caeuq diuzcingj dakdaih, cugbouh daezsang gij cienzgoek ciengxlaux gyroengq gihminz singz mbanj. Laebcaez aen dijhi baujcanj ywbingh lai mbaek, doicaenh sengjgaep doengbuenz maeuzveh yiengh baujiemj ywbingh dakdae, gaijndei gij cwngcwz comzcawx gijyw, yihbauj ceihawj caeuq yungh gij cienzngaenz gietlw. Gya’ gvangq yiengh baujiemj saetnieb, goengsieng, laebhwnj laebcaez aen cidu baujcanj boux deng cizyez sienghaih. Laebndei gij cwngcwz senj sebauj cieq sebauj, hawj doengh boux gag nda hong, nungzminzung, doengh boux guh yiengh hong moq lai bae caeuqfaenh baujiemj. Laebcaez aen cidu cingsuenq baujiemj ndawbiengz, laebdaeb vehcienj swbhwnj guekmiz bae demgya sebauj gihginh, laebcaez aen gihei hawj sebauj gihginh ndaej ciengzgeiz couzcomz, gyonjcong ndayungh, bauj goek ok leih caeuq gamguenj ancienz. Lai hawj gak loih sanghyez baujiemj okrengz boujcong gak cungj baujcanj. Gaijndei aen sebauj gunghgung fuzvu bingzdaiz daengx guek caemhyungh caiqlij guhndei yiengh guenjieix caeuq fugsah gvaqfwngz banhleix. Laebcaez aen dijhi ndawbiengz gouqbang. Laebndei aen dijhi baujcanj fugsah gyroengq bouxgeq gag youq, lwgnyez loemq hoj, bouxbueg daengj. Laebhwnj laebcaez aen cidu bang banh begsaeh. Dawzmaenh aen gihbwnj gozcwz sai mbwk bingzdaengj, baujcanj gij gienzik habfap mehmbwk lwgnyez. Gyarengz fugsah baujcanj bouxbing duiyiz.

(cienj banj 8)